

Peregrinaje a Porsenú: Cun ligrëza se metunse sön tru en sabeda ai 23 d'auri. Chi da San Martin sënta sö ia dala Burcia dales 7.55 tl Bus Alta Badia, chi da Lungiarü dales 7.40 a Lungiarü (Pustertalreisen) Dales 9.30 junse spo deboriada tla dljia de Sant Ujöp a Milland por jì spo en prozesciun a Porsenú ite por la Porta Santa tl Dom ala zelebraziun dl'Eucaristia dales 11.00. I orun ince mëte n sëgn concret y cun l'oferta finanzia n poz tl Benin, olache siur degan Iaco Willeit conësc le vësko Paolo Vieira. Do na buna marëna junse en prozesciun a Neustift a na funziun de rengraziament dales 15.00 y incër les 16.00 piunse indô ia cuntra ciasa.

Al vëgn metü a jì n **iade jö da Padre Pio** dala Val Badia demez. I piun ia en jöbia, ai 28 d'auri da doman adora. Incer les 18.00 rovunse a San Giovanni Rotondo. En vëndres mëssa y domisdé jita söl Monte S. Angelo cun mëssa da sëra. En sabeda mëssa tla gran dljia y domisdé les staziuns. I gnun indô a ciasa en domënia al 1de ma storjon pro a mëssa dales 10.00 a Loreto. Info y prenot. pro Lisl/Ant. 0474 520 013

SAN MARTIN

I tignun la festa de San Florian, patron di Stödafüch, en domënia, al 1 de ma, cun la prozesciun ia Picolin che pëia ia dales 8.40 por ester indô a San Martin por la Gran mëssa dales 9.30.

LUNGIARÜ

La Uniun dl Sport da Lungiarü inviëia duc ala **sentada generala en domënia**, ai 24 d'auri, dales 9.00, tla palestra.

Ince en domënia, ai 24 d'auri, dales 10.00, èl spo te palestra da Lungiarü **na picia festa por i campiuns dla liösa** Florian Clara y Ivan Nagler cun buffet y aperitif. Düc è bel inviä a festejé impara!

Reuniun generala dla Uniun di Pëiapësc da Lungiarü en vëndres, ai 29 d'auri, dales 19.30 sö dal Luch de Vanc. Düc i mëmbri y i interessä da fä pert dl'Uniun è inviä da tó pert. I recurdu che sozi nüs vëgn ma tuc sö en gaujiun dla Reuniun Generala.

Curs „**S'la rí á la forza da varí – Yoga da s'la rí**“ cun Veronika Eschgfeller en lönesc ai 18 d'auri a San Martin tl salf di stödafüch dales 19.30. Prenotaziuns por Loise 0474 590 026 (org. Uniun Patrones)

Sorvisc ai jogn: **Al iade d'aventöra a Jesolo**, dai 18 ai 25 de jügn, programé por i jogn dla scora alta, pó ince tó pert i mituns y les mitans dla scora mesana.

Pro le **iade d'aventöra al "Area47"** por i jogn y les jones dla scora alta èl ciamó en valgügn posé lëdi. Termo de iscriziun por trami i iadi è la jöbia, ai 21 d'auri. Dötes les informaziuns è da cialé tl Sorvisc ai Jogn, al 0474-523 070.

Le Sorvisc ai Jogn lascia alsavei che en jöbia, ai 21 d'auri, se meterä indô Giorgio Costabiei (dependënt dl ofize dl laur a Bornech) a disposiziun por dé **consulënza da cialé laur tratan l'isté por jogn y jones dla Val Badia**. La consulënza ganrá tignida tl Sorvisc ai Jogn a Piculin dales 16.00 ales 17.00. Ara è debann, individuala y se referesc a jogn, jones y geniturs o autorisä al'educaziun. Al ne vá debojëgn de degüna prenotaziun. Informaziuns 0474-523 070 (Sorvisc ai Jogn Val Badia).



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

17.04. - 24.04.16 nr. 21

termo da publiché: jöbia 20.00

radio: 90,40 / 93,70



4^a DOMËNIA DE PASCA C

Vangele do San Jan 10,27-30

Te chël tēmp à Gejù dit:

Mies bisces ascuta mia usc;
iö les conësci y ares me vëgn do.
Iö ti dà vita eterna.

Ares ne jarä mai ademal y degügn
ne m'les straciärä fora de mia man.

Mi Pere, che me les à dè, é plü gran co duc,
y degügn n'è bugn da ti les stracè fora dla man a mi Pere.
Iö y le Pere sun na cossa sóra.



*I un duc famëis che nes verda. I mituns á sü geniturs ch'ai pois se sintí al sigü.
Ma dala proteziun nascel le coraje y la forza da vire. Ince da gragn adorunse
porsones che nes verda y che ciara de nos, che nes condüj y nes orientëia.
Por fortüna é le monn, che pó ester forest, scür y prigoros, plëgn de famëis:
proi, maestri, infermieres, polizisc, consulënc, porsones che nes fej le guern
Mo ince ti raporç personai da vigni de adorunse tres indô zacai da baié impara,
se fej bun n salut valënt, öga datrai na informaziun.*

*Tles prömes plates dla Bibla vëgnel damané: Dessi iö ester le famëi de mi fre?
I sun tres indô cherdä da ester famëis, mo i podun ince ester bisces.
Mo i famëis ne pó nia s'astilé sciöch'ai ó; ai porta responsabilité por les bisces.
Sura d'ëi y dlungia d'ëi y datrai ince cuntra d'ëi stä „le bun famëi“ che conësc
l'ert dl vardé. Al á parores dër dlungia, dër intimes y dër morjeles da descrí so
raport cun sües bisces. Al se crüzia de vignöna y dá cinamai ia la vita por ëres.
Y nos ti jun do deach'i le conesciun, ti un crëta y savun, ch'al ciara de nos.
A chësta confidënza ti dijunse fede.*

*Y chësta confidënza n'è degöna istituziun o porsona che se mirita ater co Gejü.
Cun rajun podunse avëi chësta confidënza, deache Gejü é n famëi che tëgn bot:
al ne s'un sciampa nia, al ne nes lascia nia susc, al dá cinamai ca süa vita.
Al é ince chiló canch'i moriun.
Y por secundo condüjel sües bisces a ciasa y ti dá vita eterna, la dërta vita.*

	SAN MARTIN		LUNGIARÜ
17.04.16 4ª DOMËNIA DE PASCA	9.00 Corona 9.30 Gran Mëssa dla comunité <i>y festa di maridá iubilars</i> 14.00 Prozesciun por vocaziuns da S. Linert a Oies	17.04.16 Domënia	7.55 Corona 8.15 Gran Mëssa dla comunité 14.00 Prozesciun por vocaziuns da S. Linert a Oies
18.04.16 Lönesc <i>Scebio, Anastasia</i>		18.04.16 Lönesc	
19.04.16 Dedolönesc <i>Leo IX., Werner</i>	19.30 Mëssa ++ Loise Mutschl. Videsott y Loise Videsott (dl ann) + Luis Mitterrutzner fam. Paul Tolpeit	19.04.16 Mertesc	
20.04.16 Dedemesaledema <i>Hildegund, Odette</i>		20.04.16 Mercui	7.30 Mëssa dl ann + Zilia Mischi dl ann + Gottfried Dapoz dl ann + Teresa Pezzei, Laguscel fam. Albert Dapoz do mëssa: Vijita ales families, str. S. Lizia nr. 43-60
21.04.16 Jöbia <i>Konrad da Parzham, Anselm da Cant.</i>	7.30 Mëssa dl ann + Robert Chiesa ++ Franz Bioc y Marta Amort + Carlo Planatscher Corona por vocaziuns 14.00 inant: Vijita ales families, str. Pinis nr. 1-29	21.04.16 Jöbia	
22.04.16 Vëndres <i>Caius, Wolfhelm</i>	15.30 Mëssa tla Ciasa de Palsa (impede la sabeda)	22.04.16 Vëndres	7.30 Mëssa dl ann + Davide Daporta, Mazchel ++ Scebio y Angela Nagler vis y ++ de fam. Egidio Schanung
23.04.16 Sabeda <i>Iorz, Adalbert. Fortunat</i>	7.55 pëia ia le bus dala Burcia por Porsenú (Alta Badia Bus) – program tla plata iadedô 18.30 Mëssa prefestia por les families de Alfred Verginer, Frëina ++ de fam. Angel Moling, Gröpa	23.04.16 Sabeda	7.40 pëia ia le bus da Lungiarü por Porsenú odede le program tla plata iadedô 20.00 Mëssa prefestia + Franz Pezzei, Ghestan ++ Franz y Veronica Costa por les Animes
24.04.16 5ª DOMËNIA DE PASCA	9.00 Corona 9.30 Gran Mëssa dla comunité	24.04.16 Domënia	7.55 Corona 8.15 Gran Mëssa dla comunité